

# U diyaargarow inaad is-diiwaangaliso oo aadna codeyso



**ELECTORAL  
COMMISSION**  
TE KAITIAKI TAKE KŌWHIRI

ROE47 A4 Somali 07/2024

## Maxay tahay sababta aan iskugu diiwaangalinayo inaan codeeyo?

Haddii aad isku diiwaangaliso inaad codeyso, waxaad cod ku leedahay doorashooyinka guud, kuwa deegaan iyo wixii afti ah. Doorashooyinku waa fursadda aad ku dooran karto cidda kugu matalaysa Baarlamaanka ama golaha deegaanka ee arrimaha aad danayso.

**Waxaad xaqiijin kartaa codkaaga in la maqlo adigoo isku diiwaangalinayo inaad codeyso.**



## Yaa is diiwaangalin karo oona codeyn karo?

Waxa waajib ah inaad is-diiwaangaliso haddii aad:

- tahay 18 sanno jir ama ka weyntahay, iyo
- tahay muwaadin New Zealand ah ama dadka sida rasmiga ah u deggan New Zealand, iyo
- waqti ka mid ah noolashaada si joogto ah ugu nooleyd New Zealand in ka badan hal sanno.

Haddii aad tahay reer Australia, Cook Islander, Niuean ama Tokelauan, waxaad is diiwaangalin kartaa haddii aad muddo 12 bilood ah si joogto ugu noolayd New Zealand.

Haddaad ku nooshahay qurbaha waxaad isku diiwaangalin kartaa inaad codayso haddii aad:

- tahay muwaadin reer New Zealand ah oona si joogta ah u joogay New Zealand saddexdii sanno ee ugu danbeysay, ama
- tahay qof si rasmi ah u deggan New Zealand oona horay u joogay gudaha New Zealand 12-kii bilood ee ugu danbeeyay.

Ujeedooyinka doorasho dartood, deggane rasmi ah waa qof kasta oo sifo sharci ah ku deggan New Zealand oo aan laga rabin inuu waddanka kaga baxo wakhti go'an. Kan waxa ka mid ah cidda fiise degganaansho haysata.

Waxaa isdiwaangalin kartaa markaad gaarto 17 jir. Markii aad gaartid 18, si otomaatig ah ayaa lagu diiwaangelinayaa waxaadna diyaar u ahaaneysaa inaad codeysid.



## Iska diiwaangelinta inaad codeyso haddii aad tahay Māori

Haddaad tahay qof ka soo jeeda Māori oo aad isdiiwaangalinayso markii koowaad, waxaad doorataa heer-doorasheedka aad rabto inaad ku jirto: heerka guud ama heerka Māori.

Haddaad horey isku diiwaangalisay, waad beddeli kartaa wareegga aad ku jirto markii aad doonto, laga reebo:

- markay 3 bilood ka harsan yihiin doorashada guud ama ta deegaanka
- kahor doorashada buuxinta kursi baarlamaan oo bannaan haddii isbeddelku ku gaynayo goob-doorasheedka meesha doorashada kursiga bannaan laga qabanayo.

### Muxuu doorashada heer-doorasheedku kaaga dhigan yahay?

Doorashadaadu waxay saamaysaa goob-doorasheedka aad ka codayn karto iyo cidda aad u codayn karto doorashoyinka guud iyo kuwa deegaan.

Haddaad doorato heer-doorasheedka guud, waxaad u codayn doontaa murashax ku jira goob-doorasheed guud ee doorashoyinka guud. Haddii aad dooratid liiska Māori, waxaad u codeyneysaa musharax ka tirsan Māori.

Waxaad u codayn kartaa liis isku mid ah ee xisbiyada siyaasadeed doorashada guud, heer-doorasheedka aad doonto aad ku jirtide.

Heer-doorasheedka aad dooratid waxay saameyn kartaa cidda aad ugu codaynaysid doorashoyinka deegaanka. Haddii aad doorato heer-doorasheedka Māori, oo maamulka deegaankaaga leeyihiin waax ama degmo-doorasheed Māori ah, waxaad u codayn doontaa musharaxiin kujirto waaxda ama degmo-doorasheedka Māori. Haddaad doorato heer-doorasheedka guud, waxaad u codayn doontaa murashaxiinta ku jira waaxda ama degmo-doorasheedka guud.



## Ma ka walaacsantahay badbaadadaada shaqsi ahaaneed?

Haddii aad ka walaacsantahay badqabkaaga shaqsi ahaaneed, ama midda qoyskaaga, waxaad codsan kartaa in lagugu daro liiska dadka loo oggol yahay inay codeeyaan ee qarsoodiga aana la daabicin. Waxaan ku hayneynaa macluumaadkaaga diiwaangelinta si badbaado ah oo qofna ma siineyno.

Booqo **vote.nz** ama soo wac **0800 36 76 56** wixii warbixin dheeraad ah iyo foomka codsiga.



## Sideen isku diiwaangaliyaa?

Waa wax fudud inaad isdiiwaangaliso ama cusboonaysiiso macluumaadkaaga. Waxaad awoodaa:

- inaad booqato **vote.nz** oo aad isticmaashid shatigaaga darawalnimada New Zealand, baasaboorkaaga New Zealand ama aqoonsigaaga RealMe ee la xaqiijiyay si aad iskaga diiwaangeliso onlaynka
- bilaash ku wacdid **0800 36 76 56** oo aadna ka codsatid in foom lagu soo diro.

Markii aad is diiwaangelisid, magacaaga wuxuu ku darsamayaa liiska dadka loo oggol yahay inay codeeyaan. Waa inaad kujirtaa liiska dadka loo oggol yahay inay codeeyaan si aad u codeysid.

Waxaad u baahantahay inaad cusbooneysid macluumaadkaaga waqti walboo aad guri ka guurtid.



## Ma u baahan tahay caawimo si aad isku diiwaangaliso?

Waxaad waydiisan kartaa cid aad taqaan, sida saaxiib ama xubin qoys inay kaa caawiso buuxinta foomkaaga diiwaangelinta, ama inuu foomkaaga kuu buuxiyo.

Waxaad u baahantahay inaad saxiixdo foomka. Haddii aad garanaysid qof aanan buuxin karin oo aan saxiixi karin foomkooda diiwaangelinta maadaama uu qabo curyaannimo jireed ama dhimir, waxaa kuu suurtoogaleyso inaad caawisid.



## Macluumaad dheeraad ah ma rabtaa?

Si aad u hesho macluumaad dheeraad ah oo ku saabsan diiwaangelinta iyo codeynta:

- booqo **vote.nz**
- wac **0800 36 76 56**

Macluumaadka ku saabsan diiwaangelinta iyo codaynta ayaa la heli karaa iyagoo ku qoran luuqado iyo qaabab kale oo badan **vote.nz**

